

CONVOCATORIA DE ACCESO AO VIVEIRO DE EMPRESAS INNOVADORAS DA UDC

A Universidade da Coruña (UDC) informa da apertura dunha nova convocatoria para cubrir espazos dispoñibles no Viveiro de Empresas.

OBXECTO

O Obxecto desta convocatoria é fomentar a cultura emprendedora e facer realidade a creación e consolidación de iniciativas innovadoras. O Viveiro está á disposición de ideas de proxectos empresariais sen constituír ou empresas de recente constitución creadas por membros da comunidade da UDC.

ESPAZOS DISPOÑIBLES

2 despachos

CARACTERÍSTICAS DOS ESPAZOS

Emprazamento: o Viveiro está situado no Edificio de Servizos Centrais de Investigación, no campus de Elviña, A Coruña.

Instalacións e servizos: ás iniciativas empresariais e empresas seleccionadas para accederen ao Viveiro asignaráselles un despacho cun tamaño que oscila entre os 20,28 e os 20,91 m². Ademais, poderán facer uso das salas de reunións e zonas comúns do edificio, excepto o aparcadoiro, e terán acceso a todos os servizos de apoio ao emprendemento de que dispón o Viveiro: o acceso a redes, apoio na preparación do plan de empresa, asesoramento en xestión empresarial, xurídico e comercial, na procura de financiamento público e privado, etc.

Duración e taxas: o prazo total de permanencia das iniciativas empresariais ou empresas seleccionadas no Viveiro non poderá superar os 2 anos e 8 meses:

- Os 8 primeiros meses a estancia será gratuíta.
- Para os seguintes 2 anos, a taxa é de 7,50 €/m² máis IVE ao mes. Todos os servizos indicados anteriormente están incluídos nesta taxa.

Pódese consultar o resto de información relativa aos espazos no Regulamento para admisión e permanencia de iniciativas empresariais no Viveiro de empresas innovadoras da UDC.

BENEFICIARIOS

Poderán solicitar un espazo os membros da comunidade universitaria, concretamente:

- Alumnado que estea a cursar estudos na UDC no momento da solicitude.
- Titulados pola UDC nos últimos 5 anos, que contarán ata o momento da publicación da convocatoria de acceso ao Viveiro.
- Persoal docente e investigador da UDC.
- Persoal de administración e servizos da UDC.

Edificio de Servizos Centrais de Investigación
Universidade da Coruña - Campus de Elviña, 15071. A Coruña
otri.viveiro@udc.es - T. 981 167 173

Considéranse titulados pola UDC os antigos alumnos que cursaron e finalizaron estudos de grao, posgrao, mestrado ou doutoramento na UDC.

Nas solicitudes con máis dunha persoa promotora deberá haber, polo menos, un membro do equipo que teña vinculación coa UDC.

PRESENTACIÓN DE SOLICITUDES

O prazo de presentación de solicitudes iníciase o día seguinte ao da súa publicación no Taboleiro Electrónico Oficial da Sede Electrónica da UDC e finaliza o **mércores, 20 de novembro de 2019**.

A presentación de solicitudes realizarase exclusivamente polo procedemento habilitado na Sede Electrónica da UDC a través da ligazón: https://sede.udc.gal/services/procedures/OTR_020. As solicitudes que se presenten por procedementos distintos do habilitado na mencionada sede electrónica resultarán excluídas.

DOCUMENTACIÓN

A solicitude deberá constar da seguinte documentación, que se poderá atopar no **Anexo desta convocatoria** e na **web do Viveiro**:

- **Formulario de solicitude de acceso.**
- **Descrición da iniciativa empresarial.**
- **Documentación xustificativa do vínculo coa universidade de polo menos unha persoa integrante do proxecto** (por exemplo: matrícula, expediente académico actualizado, título académico, contrato laboral, datos persoais da intranet da UDC, etc).

No caso de que a empresa estea constituída deberase achegar a documentación sinalada no parágrafo anterior máis o seguinte:

- Unha copia das escrituras de constitución, dos estatutos e da alta da empresa no imposto sobre actividades económicas.
- Unha relación das persoas socias da empresa, as que integran o órgano de administración e as contratadas, coa indicación do seu vínculo coa empresa e coa UDC.

AVALIACIÓN DAS SOLICITUDES

A avaliación das solicitudes presentadas será realizada por unha comisión de acordo cos seguintes criterios:

- A composición do equipo emprendedor, a súa vinculación coa UDC e o seu grao de implicación no proxecto empresarial.
- A novidade do produto ou do servizo proposto.
- A necesidade ou oportunidade detectada no mercado e a solución proposta.
- A madurez da iniciativa. Valorarase o grao de desenvolvemento da iniciativa empresarial tendo en conta que a misión do Viveiro é apoiar os emprendedores na fase inicial da súa iniciativa.
- Adecuación do proxecto empresarial ás características do Viveiro.

Logo de recompiladas as solicitudes, a comisión, se o estima conveniente, contactará cos solicitantes para fixar unha data para realizar unha exposición oral do proxecto.

A comisión avaliadora estará composta polas seguintes persoas: Da. Pilar Pintor Vázquez, D. Javier Garrido Barral, Da. Janet Fernández López e D. Jesús M. Díaz López.

RESOLUCIÓN

Unha vez valoradas as solicitudes pola comisión, publicarase resolución provisional no Taboleiro Electrónico Oficial da Sede Electrónica da UDC (en diante, TEO): https://sede.udc.gal/services/electronic_board.

Os solicitantes poderán formular reclamacións no prazo de cinco días hábiles. Este prazo contará a partir do día seguinte ao da publicación da resolución provisional no TEO.

Os escritos de alegación, xunto coa documentación xustificativa, deberán dirixirse á OTRI da UDC e entregarse en calquera dos rexistros oficiais desta universidade (Rexistro Xeral na Maestranza, Rexistro Auxiliar de Ferrol, Rexistro Auxiliar de Elviña), ou telemáticamente mediante a Sede Electrónica (https://sede.udc.gal/services/telematic_register).

Unha vez rematado o prazo de reclamacións publicarase a resolución definitiva.

A resolución definitiva outorgará unha autorización administrativa aos promotores dos proxectos seleccionados para a ocupación temporal do local asignado no Viveiro de Empresas da UDC.

ACEPTACIÓN E PROTECCIÓN DE DATOS

A presentación da solicitude implica o coñecemento e a aceptación das condicións desta convocatoria e do Regulamento do Viveiro da UDC, así como o consentimento e a autorización para o tratamento dos datos persoais. A política de privacidade poderase consultar na seguinte ligazón: <http://otri.udc.es/viveiro/convocatoria>

MÁIS INFORMACIÓN E CONTACTO

- Regulamento do Viveiro: <http://otri.udc.es/wp-content/uploads/2019/03/190227.-Regulamento-Viveiro-de-empresas-innovadoras-da-UDC.pdf>
- Sede Electrónica: https://sede.udc.gal/services/procedures/OTR_020
- W: <http://otri.udc.es/viveiro>
- T: 881 01 2629
- E: otri.viveiro@udc.es.

Salvador Naya Fernández
Vicerreitor de Política Científica, Investigación e Transferencia

ANEXO

Edificio de Servizos Centrais de Investigación
Universidade da Coruña - Campus de Elviña, 15071. A Coruña
otri.viveiro@udc.es - T. 981 167 173

FORMULARIO DE SOLICITUDE DE ACCESO AO VIVEIRO DE EMPRESAS DA UDC

Nome da iniciativa empresarial

Persoas integrantes *			
Nome	Apelidos	NIF	Vínculo coa UDC

* Deberá achegarse xustificante do vínculo coa universidade de polo menos unha persoa, por exemplo: matrícula, expediente académico actualizado, título académico, contrato laboral, datos persoais da intranet da UDC, etc.

Datos de contacto do/a representante da iniciativa

Nome e apelidos			
Enderezo			
Código postal	Poboación	Provincia	
Teléfono	E-mail		

Sinatura do/a representante

En _____, ____ de _____ de 20__

DESCRIPCIÓN DA INICIATIVA EMPRESARIAL

En documento a parte, deberase entregar unha descrición da iniciativa empresarial.

Requisitos

- Descrición do proxecto nun documento con formato presentación power point ou similar.
- **Máximo 30 diapositivas** sen contar documentos anexos ou xustificativos.
- Nesta descrición deberanse ter en conta como **mínimo** os seguintes aspectos:
 - Nome da iniciativa empresarial
 - Breve descrición dos promotores
 - Descrición do proxecto empresarial
 - Definición da innovación ou base tecnolóxica/coñecemento en que se fundamenta
 - Oportunidade ou problema detectado no mercado
 - Solución que proporciona a empresa e a vantaxe competitiva respecto ao que existe actualmente
 - O mercado: clientes potenciais, necesidades que se atenden e principais competidores existentes no mercado
 - Resumo de ingresos e gastos estimados para os dous próximos anos
 - Grao de desenvolvemento ou madurez do proxecto e prazos previstos para o inicio da actividade